

Zastupnička inicijativa

Zastupnik : Hamed Aljović

Podnosim inicijativu da Ministarstvo privrede, pripremi prijedlog odluke o otpisu kamata korisnicima poljoprivrednih kredita koje je tokom 1998 i 1999 godine plasiralo Ministarstva privrede Kantona Sarajevo.

Obrazloženje: U toku 1998 i 1999 godine Ministarstvo privrede Kantona Sarajevo je putem komercijalnih banaka plasiralo određen broj poljoprivrednih kredita građanima Kantona Sarajevo, u najvećem broju slučajeva radi se o boračkoj populaciji koji su ujedno i povratnici kao što je slučaj sa stanovnicima Općine Trnovo. Nažalost prilikom plasmana kredita dogodile su se razne nelogičnosti npr. nezaposlene osobe su bile jemci i za deset kredita itd.

Zbog teške socio-ekonomske situacije najveći broj korisnika kredita nije ispunjavao svoje obaveze prema bankama, što je prouzrokovalo da iznos kamata po pojedinim kreditima bude i do nekoliko puta veći od osnovnog duga.

Banke su u skladu sa pozitivnim zakonskim propisima pokrenule odgovarajuće pravne radnje prema nadležnim sudovima što je dodatno usložnilo i onako složenu situaciju za ove građane jer u najvećem broju slučajeva i onaj dio imovine koji imaju (kuća i zemlja) im je stavljena pod hipoteku.

Cilj ove inicijative je otpis kamata korisnicima poljoprivrednih kredita Ministarstva privrede Kantona Sarajevo uz uslov da u cjelosti vrate osnovni dug.

Napominjem, korisnici ovih kredita nisu neodgovorni građani koji nisu izvršavali obaveze prema bankama, već građani koji su branili ovu državu (demobilisani borci, RVI, šehidske porodice), građani kojima je u proteklom ratu djelimično ili u potpunosti uništena sva imovina i nezaposlene osobe.

Uzimajući u obzir programsko opredjeljenje Vlade i Skupštine Kantona Sarajevo o podršci poljoprivredi i ruralnom razvoju u Kantonu Sarajevo, podnosim ovu inicijativu. Siguran sam da djelite moje mišljenje da plaćanje nekoliko puta većeg iznosa kamate od visine osnovnog duga nije podrška i stimulacija ruralnom razvoju i podrška poljoprivredi u Kantonu Sarajevo.

Sarajevo 17.11.20121.god.

Zastupnik:

Hamed Aljović